

准事例特經該管局旗人等掣問就於各犯名下追陪物料該造完備仍用油漆調和朱黑於點過軍器背面書衛所年季成造字樣一革重冒那移之弊等因具題奉
聖旨是欽此

該班人匠許在應役承補償工價例

成化十二年三月十五日工部尚書王

題為陳言修省事營膳清吏司案呈奉本部送禮科抄出禮科等科都綱事中張謙等題該南京戶科等科并四川等道各奏前事節該欽奉

聖旨南京根本重大災異之奏必有所自君臣上下務在同加脩省政事缺失各衙門便須奉行不許自前因循玩愒荒廢職務欽此欽遵臣等用竭愚悃條陳數事上塵

睿覽伏望

皇上採納天下幸甚生民幸甚今將所言事件開坐具題等因節該欽奉

聖旨策免大臣不必劾山東鎮守官朝廷自有處置髮奈
造答已准了罷內外問刑衙門今後止依律條科斷其
餘的該衙門知道欽此欽遵內開照得各處京班諸色

人匠該班之日

朝廷凡有興作專以應後近年以來該班人匠授文到
部撥在作頭名下照依上班年月勒要銀兩
隨即放回并有興作因無人匠只得摘撥官
軍應役致使武役廢弛銳氣耗散乞

勅工部今後人匠到部務在存留在班不許似前賣放庶
不靠搜軍士批出送司查得工部職掌額設
輪班人匠除川兩廣雲南貴州原無外浙江等
處八布政司南北直隸共該各色人匠二十八
萬一千三百六十八名舊例本匠等匠五年

一班瓦匠等匠四年一班土工等一年一班等
匠石匠二年一班黑窑等匠一年一班景泰
六年為因建言歸併一縣供作四年一班天
順八年遇蒙

詔書事例

一戶但有住坐又輪班者不拘七八名以上盡
皆除鑿及陸續戶絕事故等項共計六萬八
千四百三十六名實在止有二十一萬二千
九百二十二名內除江西福建湖廣三布政
司七萬四千九百二十四名一分去南京工
部輪班本部所管止計十三萬八十八名數
內又除淮安等府存留清河衛二提舉司打
造糧船折江蘇州等司府存留三分本處織
染局織造改正順天永平摘撥遵化鐵冶上

工若有見在之數算之每歲輪班人匠該二萬五百餘名每季輪班人匠六千名於內又存留運數拽筏蓋造

王府等項占緡以致赴投班在常不承數又因水旱災傷瘟疫事故失班不到者極尋到部之日照依定例以十分為率內官監清撥六分內外各監局衙門共該四分本部所屬營膳所器物厰文思院宝源局皮作軍器物每季人匠多不過二分之數日逐造成供應器皿縫造賞賜衣服靴襪鑄造打各樣鐵鍋鐵器修理蓋造房屋牆垣等項未嘗停息其足福寺日逐隨用器皿比常加添數陪因是原無該管住坐人匠每歲止有作頭數名提督輪

班就工緣由輪班人匠暗曉本等藝業者絕少老幼貧窮不能應役者常尋照依成化四年奏

准事例如果不精不等匠緡聽從在出辦工錢雇高手匠藝或有老疾貧難者就令看廠把門巡風直堂俱候工滿批放仍禁約作匠頭人等不許認錢隱占賣放通行遵守去後緣各匠中間貧難不能自存者雖是到部隨撥隨逃若輪定工派數雖有其名曰逐畫卯點名十無三四本部節次行文揆提經年累歲鮮有解到各作恐誤工程只得預寫文約雇覓街市慣熟人匠成造荅應待候撥有殷實班匠出錢補償工價行之年久公私便益今都給事中

張謙等建言該班人匠到部撥在作頭名下
勒要銀兩隨即放回又有興作只得摘撥官
軍要將今後存留在班做工一節案呈到部
臣等切許各處輪班人匠正統年間以前每
季不下一二萬之衆尚且止是分撥內外監
局相兼使用但有營造俱是撥軍做工即今
每季人匠亦不過三千名少則七八百名赴
部撥工下勘合在部及監局差人等候就
便領去十分之八本部各作分撥上工常不
勾用或親身應役或出錢雇人隨其本心情
愿但有凌逼受苦未滿三月批放輒便脫逃
若依所言存留運料做工不惟數火抑且有
誤修營重事合無照依見行事例仍將輪班
人匠按季照例分撥內外衙門領用親當雇
人從其本愿不許管工人員侵欺若害私後
賣放事發問今後凡有修理營造如果工程
浩大請

旨定奪其餘不係緊要聽從本衙門官設法措辦修理緣
係陳言脩省乃節奉
欽依其餘該衙門知到事理未敢擅便具題奉
聖旨是欽此